

დისტრიბუციის ხელშეკრულება

_____ 2022

ქ. თბილისი

შპს „_____“ (ს/ნ _____) (შემდეგში - „**დამკვეთი**“), წარმოდგენილი მისი დირექტორის - _____ (პ/ნ _____) სახით, ერთის მხრივ, და შპს „_____“ (ს/ნ _____) (შემდეგში - „**დისტრიბუტორი**“), წარმოდგენილი მისი დირექტორის - _____ (პ/ნ _____) სახით, მეორეს მხრივ, „**დამკვეთი**“ და „**დისტრიბუტორი**“ ერთად წოდებულნი როგორც - „**მხარეები**“, ვთანხმდებით და ვაფორმებთ წინამდებარე ხელშეკრულებას (შემდეგში - „**ხელშეკრულება**“) შემდეგზე:

1. „ხელშეკრულების“ საგანი

- 1.1. „**დამკვეთი**“ ავალებს, ხოლო დისტრიბუტორი ვალდებულია იღებს მოახდინოს „**დამკვეთის**“ პროდუქციის დისტრიბუცია;
- 1.2. „**ხელშეკრულების**“ მიზნებისთვის პროდუქციის დისტრიბუცია მოიცავს:
 - 1.2.1. „**დისტრიბუტორის**“ მიერ „**დამკვეთისგან**“ პროდუქციის შექმნას მისი საცალო/საბითუმო რეალიზაციის მიზნით;
 - 1.2.2. პროდუქციის რეალიზაციის გაზრდის მიზნით „**დისტრიბუტორის**“ მიერ ქვეკონტრაქტორებისა და მარკეტინგის სხვა ინსტრუმენტების მოძიებას.
- 1.3. „**დისტრიბუტორი**“ დისტრიბუციას ახორციელებს საკუთარი რესურსებით და ხარჯებით, ასევე ქვეკონტრაქტორების საშუალებით;
- 1.4. სადისტრიბუციო პროდუქციის დასახელება მოცემულია დანართი N1-ში, რომელიც წარმოადგენს „**ხელშეკრულების**“ შემადგენელ ნაწილს;
- 1.5. „**დისტრიბუტორის**“ მიერ „**დამკვეთთან**“ შექმნილი პროდუქციის რაოდენობა და შესყიდვის ფასი „**მხარეთა**“ მიერ განისაზღვრება თითოეულ მიწოდებაზე ინდივიდუალურად და ისახება „**დამკვეთის**“ მიერ „**დისტრიბუტორისთვის**“ გამოწერილ სასაქონლო ზედნადებში.

_____ „**დამკვეთი**“

_____ „**დისტრიბუტორი**“

2. პროდუქციის გადაცემა

- 2.1. „დამკვეთს“ და „დისტრიბუტორს“ შორის პროდუქციის თითოეული გადაცემა დასტურდება „დამკვეთის“ მიერ გამოწერილი და „დისტრიბუტორის“ მიერ დადასტურებული ზედნადებით. სასაქონლო ზედნადები ადასტურებს „დისტრიბუტორის“ მიერ პროდუქციის შემოწმებისა და მისი შეთანხმებულ ხარისხში მიღების ფაქტს;
- 2.2. „დისტრიბუტორის“ მიერ რეალიზაციის გარეშე დარჩენილი პროდუქციის „დამკვეთისათვის“ დაბრუნება უნდა განხორციელდეს დაბრუნების სასაქონლო ზედნადების საფუძველზე. „დისტრიბუტორი“ ვალდებულია პროდუქცია დააბრუნოს დაუზიანებელი ან სხვა რაიმე ნაკლისაგან თავისუფალი. ამასთან, დაბრუნებული პროდუქცია არ უნდა აღემატებოდეს მიმდინარე საანგარიშო პერიოდში (კალენდარულ თვეში) შეძენილი შესაბამისი სახეობის პროდუქციის ___%-ს, დანარჩენ ნაწილზე „დისტრიბუტორი“ აანაზღაურებს მის ღირებულებას, შემკვეთისაგან შეძენის ფასის მიხედვით;
- 2.3. პროდუქციის გადაცემა ანდა დაბრუნება ხდება „დამკვეთის“ საწყობში შემდეგ მისამართზე:
- ქ. _____, _____ ქ. N _____
- 2.4. დანაკლისის ან დაზიანებული საქონლის დაბრუნების შემთხვევაში, დისტრიბუტორი ვალდებულია არაუგვიანეს 1 თვისა ანაზღაუროს ფულადი ფორმით ზიანი, პროდუქციის „დამკვეთისაგან“ შეძენის ფასის შესაბამისად.

3. მხარეთა უფლება-მოვალეობები

3.1. „დამკვეთი“ ვალდებულია:

- 3.1.1. ხელი შეუწყოს „დისტრიბუტორს“ დისტრიბუციის განხორციელებაში – დროულად მიაწოდოს შეთანხმებული პროდუქცია და დისტრიბუციისათვის აუცილებელი დოკუმენტაცია;
- 3.1.2. „დისტრიბუტორს“ მიაწოდოს ისეთი პროდუქცია, რომელიც შეესაბამება საქართველოს კანონმდებლობით დადგენილ ნორმებსა და სტანდარტებს;

_____ „დამკვეთი“

_____ „დისტრიბუტორი“

- 3.1.3. „დისტრიბუტორს“ მიაწოდოს ისეთი პროდუქცია, რომლის ნარჩენი ვარგისიანობის ვადა მისი მიწოდების მომენტში პროდუქციის მთლიანი ვარგისიანობის ვადის არანაკლებ 90%-ია;
- 3.1.4. დაუყოვნებლივ მიაწოდოს „დისტრიბუტორს“ ინფორმაცია საქონლის ფასის ან დისტრიბუციის ადგილის ცვლილების შესახებ;
- 3.1.5. შეასრულოს „ხელშეკრულებით“ და კანონმდებლობით გათვალისწინებული სხვა ვალდებულებები.
- 3.2. „დისტრიბუტორი“ ვალდებულია:
- 3.2.1. დისტრიბუციის განხორციელებით მოახდინოს „დამკვეთის“ პროდუქციის რეალიზაცია;
- 3.2.2. პროდუქციის მიღების მომენტში შეამოწმოს პროდუქციის ხარისხი და რაოდენობა;
- 3.2.3. მკაცრად დაიცვას პროდუქციის შენახვა/გავრცელების (რეალიზაციის) წესი, ასევე კონტროლი გაუწიოს აღნიშნული წესის შესრულებას ქვეკონტრაქტორი პირების მიერ;
- 3.2.4. დაიცვას კონფიდენციალურობა და არ გაახმაუროს (მიაწოდოს მესამე პირებს და ა.შ.) „ხელშეკრულების“ საფუძველზე განხორციელებული ურთიერთობის ფარგლებში მისთვის ცნობილი/ხელმისაწვდომი კომერციული ინფორმაცია;
- 3.2.5. „დამკვეთის“ მიერ წარმოებული პროდუქცია შეიძინოს მხოლოდ „დამკვეთთან“, ხოლო პროდუქციის არაკეთილსინდისიერი გავრცელების (ფალსიფიცირება, გაყალბება და სხვა საავტორო უფლებების დარღვევა) შეტყობისთანავე ინფორმაცია დაუყოვნებლივ მიაწოდოს შემკვეთს და იგივე ვალდებულება გაითვალისწინოს ქვეკონტრაქტორებთან დასადავებ ხელშეკრულებაში;
- 3.2.6. შეწყვიტოს ხელშეკრულება ქვეკონტრაქტორთან, თუ ქვეკონტრაქტორი არღვევს პროდუქციის რეალიზაციის წესს;
- 3.2.7. შეასრულოს „ხელშეკრულებით“ და კანონმდებლობით გათვალისწინებული სხვა ვალდებულებები.
- 3.3. „დამკვეთს“ უფლება აქვს „დისტრიბუტორს“ მისცეს მითითებები. მითითება უნდა იყოს მართლზომიერი, განხორციელებადი და კონკრეტული. თუ „დამკვეთის“

მითითებების შესრულება ობიექტურად შეუძლებელია, მაშინ „დისტრიბუტორმა“ დაუყოვნებლივ უნდა აცნობოს ამის შესახებ „დამკვეთს“ და მოსთხოვოს მითითების შეცვლა.

- 3.4. გამონაკლის შემთხვევებში „დისტრიბუტორს“ უფლება აქვს „დამკვეთის“ ინტერესებიდან გამომდინარე გადაუხვიოს მითითებებიდან, თუ „დამკვეთთან“ დაკავშირება შეუძლებელია ან მითითებიდან გადახვევის შესახებ „დისტრიბუტორის“ შეტყობინებაზე „დამკვეთის“ პასუხი ვერ იქნა მიღებული.

4. ხელშეკრულების მოქმედების ვადა

- 4.1. „ხელშეკრულება“ ძალაში შედის მხარეთა ხელმოწერის დღიდან და მოქმედებს 202__წლის _____-მდე;
- 4.2. „ხელშეკრულება“ შეიძლება შეწყდეს:
- 4.2.1. „მხარეთა“ შეთანხმებით ნებისმიერ დროს;
- 4.2.2. „დამკვეთის“ მიერ ცალმხრივად, თუ
- 4.2.2.1. „დისტრიბუტორი“ რეგულარულად არღვევს და არ ასრულებს „ხელშეკრულებით“ გათვალისწინებულ პირობებს;
- 4.2.3. „დისტრიბუტორის“ მიერ ცალმხრივად, თუ
- 4.2.3.1. „დამკვეთი“ რეგულარულად არღვევს და არ ასრულებს „ხელშეკრულებით“ გათვალისწინებულ პირობებს.
- 4.2.4. „ხელშეკრულება“ ცალმხრივად წყდება მეორე მხარისთვის წერილობითი შეტყობინების გაგზავნიდან ___ კალენდარული დღის შემდეგ.
- 4.3. „ხელშეკრულება“ შედგენილია თანაბარი ძალის მქონე ორ ეგზემპლარად, რომელთაგან თითო-თითო ეგზემპლარი გადაეცემა „მხარეებს“;
- 4.4. „ხელშეკრულებაში“ ცვლილებების შეტანა „მხარეებს“ შეუძლიათ წერილობითი მხოლოდ ფორმით.

„დამკვეთი“: შპს „_____“ (ს/ნ _____)

_____ „დამკვეთი“

_____ „დისტრიბუტორი“

_____ / _____ [პ/ნ _____], დირექტორი/

„დისტრიბუტორი“: შპს „_____“ (ს/ნ _____)

_____ / _____ [პ/ნ _____], დირექტორი/

დანართი N1

_____ „დამკვეთი“

_____ „დისტრიბუტორი“



